

華縣志卷之十六

華縣知縣李述武集修

古蹟志下

陵墓

宋宣祖安陵

東都事畢建隆元年三月有司上皇考

武清府君諡曰昭武皇帝廟號宣祖隨曰安陵

宋

史禮志安陵在京城東南隅乾德初改卜河南府

縣西南四十里神縣村以司徒范質為改卜安

陵使學士竇儼禮儀使中丞劉溫叟儀仗使楊審直

學士薛居正鹵簿使太宗時尹開封為橋道兼遣使

華縣志

第五册

卷之十六

古蹟

三

質尋免相以太宗兼韓王使事修奉陵寢皇孫下深

五十七尺高三十九尺殿臺三層正方下層每面長

九十八尺南神門至乳臺至鵲臺皆九十五步乳臺高

二十五尺鵲臺塔四尺神牆高九尺五重環四百六

十步名置門神角闕 東都事畢宣祖昭憲皇后杜

氏建隆二年崩諡曰明憲葬安陵 五代獻通考安陵

陪葬子孫一百二十一墳 施府志太祖父宣祖周

廣順末歲時第一軍後轉右廂指揮今豎人猶呼永

安漢為指揮後在華縣西南牛山北麓與太祖陵相

安漢

宋太宗永熙陵  
東都事畧至道三年二月癸巳帝崩  
於萬歲殿十月巳酉葬永熙陵明德皇后李氏祔葬  
永熙陵元德皇后李氏以真宗生母祔葬永熙陵  
宋史禮志永熙陵皇堂深百尺方廣八十尺靈臺方  
二百五十尺置衛士五百人於陵  
又獻通考元德  
皇后以至道三年十月尊生廟於普安宮  
之禮而太祖之孝期孝惠二后一葬宣徽安陵西北  
一葬安陵之北孝章太后亦不同兆城太宗皇后尚  
有葬安陵西北者章憲明肅劉后亦葬真宗永定陵  
地也餘併同

元年議改卜園陵二年命使按行園陵地議立陵名  
禮官言周顯德末都省集議故事帝后同陵謂之合  
葬同茔謂之祖葬漢呂氏陵在長陵西百餘步以同  
茔兆而無名號又唐穆宗二后王氏生敬宗蕭氏生  
文宗並祔先陵之側今園陵鵲臺在永熙陵封地之  
內恐不須別建陵號從之又永熙陵陪葬子孫八墳  
施府志昌陵在安陵西里餘熙陵在昌陵西里餘  
三陵俱在牛山北麓永安縣羅水之南

宋真宗永定陵 東都事畧乾興元年二月戊午帝崩  
於延慶殿冬十月己酉葬永定陵 宋史禮志山陵

華縣志

第五冊

卷之十六

古蹟

三

按行使蓋繼宗言據司天監定永安縣東北六里曰  
卧龍岡堪庇山陵詔雷允恭覆按以闕皇堂之制深  
八十一尺方百四十尺制陵名曰永定章獻明肅皇  
后劉氏明道二年三月崩於寶慈殿司天監詳定山  
陵制度皇堂深五十七尺神墻高七尺五寸四面各  
長六十五步乳臺高一丈九尺至南神門四十五步  
鵲臺高二丈三尺至乳臺四十五步十月五日葬永  
定陵之西北隅章惠皇后楊氏明道三年十二月崩  
四年二月葬永定陵之西北隅 宋后妃傳李宸妃  
生仁宗章獻以爲己子仁宗不自知爲妃所出也明

道元年薨章獻太后欲以宮人禮治喪丞相呂夷簡  
奏太后倘念劉氏則喪禮宜從厚太后恚夷簡請用  
一品禮殯洪福院夷簡又謂都知羅崇勳曰宸妃嘗  
以后服殮用水銀實棺異時勿謂夷簡未嘗道及崇  
勳如其言後章獻太后崩燕王爲仁宗言陛下乃奉  
宸妃所生死於非命仁宗號慟尊妃爲皇太后謚曰  
莊懿幸洪福寺祭告易梓宮親往視之如玉色如生  
冠服如皇太后以水銀養之故不壞仁宗嘆曰人言  
其可信哉遇劉氏益厚陪葬永定陵慶曆中改謚章  
懿丁謂傳謂爲山陵使雷允恭爲都監與判司天

章縣志

第五冊

卷之十六

古蹟

无

邢中和擅易皇堂地家議唯騰謂庇允林依違不決  
詔王曾馮拯曹利用等覆視咸云應用舊地遂謀允  
恭以謂崖州司戶爲其家 又獻道考始丁謂請陵

名山鎮陵及謂取馮拯謂三陵皆有永字故易曰永

定陵然永安乃縣名也宜祖陵止曰安陵又不知豐

祖已名定陵於是復追翼祖爲靖陵議者譏拯不學

當時無正之者 施府志嘗定陵時後仁旺表用半

頭山前丁謂定用山後爭之不可旺表曰山後之害

坤水長流災在丙午年丙丁風值射禍當丁未年災

其言卒驗今有宗陵在石壽龍山西北與半山陵中

陽羅水而徐丁所爭牛頭山前後者乃青龍西北別起一小山狀類牛頭而得名非太祖陵南之牛山也當時亦曰卧龍岡據史丁謂覆皇堂土石相半繼之以水王曾奏丁謂包藏禍心置皇堂於絕地太后怒丁謂貶死當時已不用丁謂所定皇堂矣然今真宗陵南高北下退就學濕猶是丁謂山後之議也意丁謂所用更在北以王曾奏乃稍移就南耳至通考議遷塚身名定陵與翼祖陵本名同良非但謂永安爲翼祖陵止名安陵無永安之稱殊不然永安名縣乃因陵而名宋代諸陵皆有永字其稱之也或曰

永某陵或但曰某陵非宣祖陵無永安之稱也又有宗三后潘后葬永昌陵側郭后葬永熙陵西北故樵劉后祔葬定陵又楊后仁宗尊爲皇太后亦祔葬定陵李宸妃常從守定陵乃瀆洪福院太后崩仁宗知爲宸妃所生尊爲皇太后陪葬定陵西俗呼爲道姑陵者恐是呂本聲譌卽李宸妃陪葬處也

宋仁宗永昭陵

東都事畧嘉祐八年辛未帝崩於福

寧殿冬十月甲午葬永昭陵

韓忠獻遺事仁宗永

昭陵葬且有日忽傳皇堂棟損時諸使皆欲不闡而修之韓公琦正色曰不可果損則易之若違葬期後

所費此責猶可當若苟且掩之後有壞而致人主死  
心臣下何以當責宋史禮志慈聖光獻皇后曹氏  
元豐二年十月崩於慶壽宮命韓縝為山陵按行使  
縝言永昭陵北稍西地貳百六十步內方六十五步  
可為山陵上以迫隘詔增十步三月十日葬永昭陵  
施府志范純禮知永安縣永昭陵在其境內初建  
時配木石磚甃及工徒於一路獨永安不受令請於  
山陵使韓琦曰歲時繕治無虛日願勿與諸縣均賦  
琦是其言而名勝志則以為修曹后陵范公與曾魯  
公力爭與史不同蓋據過庭錄所傳也且又以永安  
為今永寧宋陵多在焉大謬

華縣志

第五册

卷之十六

古蹟

三

宋英宗永厚陵

東都事畧治平四年春正月帝崩於

福寧殿八月癸酉葬永厚陵

文獻通考英宗崩遣

詔山陵務從省約所歷郡縣無科率煩民八月葬厚  
陵禮如舊制演繁露溫公日記記英廟山陵舊制

曰山陵皇堂壘石為壁積材木於上以卷石覆之神  
宗以材木有時而朽則卷石必墜於梓宮不便更令  
就地為石槨以藏梓宮總管張若水恐穿地或隳隔  
四壁乃請於平地壘石為槨及後山陵復土梓宮入  
降隧道升石槨西首御夷水及地一尺而止俟且

尉一刻乃下仍於其下方木以蓋條石之隙  
於墓下闔石門出築各隧道按地則足神宗廢水久  
遠其朽朽必歷故專令卷石爲之起自地上石既四  
周捲起交相鈎闔永不墜壞最爲堅耐神宗雖有此  
言若水董役不敢廢弛舊制故卷石之上仍鋪蓋水  
設使蓋木朽壞而其下自有卷石承之殆無害也

宋史禮志英宗宣仁聖烈皇后高氏哲宗元祐八年  
九月三日崩於崇慶宮詔園地以依慈聖光獻太皇太  
后之制紹聖元年四月一日葬永厚陵施府志仁

宗莫宗二陵俱在青龍山北澤義保英宗陵東去仁

華縣志 第五册 卷之十六 古蹟

宗陵 一 聖許

宋神宗永裕陵 東都事考元豐八年三月戊戌帝崩

於福寧殿冬十月乙酉葬永裕陵 宋史禮志紹聖

四年太史請遷去永裕陵 山民冢一千三百餘以

便國音帝曰遷墓得無擾民若無所害則令無遷果

不使國音當給官錢以資其費神宗欽聖憲肅皇后

向氏建中靖國元年正月十三日崩太常寺言大行

皇太后山陵一行法物宜依元豐二年慈聖光獻皇

后故事皇堂之制下深六十九尺而方二丈五尺石

地穴深一丈明高二丈一尺鵝臺二各高四十一尺

乳臺二各高二丈七尺神塋高一丈二尺五月六日  
葬永裕陵 后妃傳欽成永皇后生哲宗崇寧元年  
二月薨追册為皇后陪葬永裕陵欽慈陳皇后生徽  
宗帝崩守陵殿未幾薨建中靖國元年追册為皇太  
后陪葬永裕陵

宋哲宗永泰陵 東都事異 元符三年正月己卯帝崩  
於福寧殿七月壬寅葬永泰陵昭懷皇后劉氏政和  
元年崩陪葬永泰陵 宋史禮志哲宗崩徽宗即位  
詔山陵制度並如元豐 府志神宗哲宗二陵俱  
在九山東北麓二陵相去一里許 又按中興記建

鞏縣志

第五册 卷之十六 古蹟

炎元年五月一日大赦天下詔永安軍祖宗陵寢所  
京應天禪院會聖宮影殿西墳可差西京留守及臺  
官一員日下前去躬親省視如合修奉去處一面措  
置仍密具奏聞南墳委汝州守臣依此 演繁露宗子  
白禰葬山陵之外又有南墳曰墳

宋欽宗陵 朝野雜記欽宗之水災哀於天章閣南以  
學士院為几筵殿上陵名曰欽 獻暨乾道中朝廷遣  
使求陵寢地金人許以遷奉日併歸靖康祥宮朝廷  
雖之金人乃以禮陪葬於鞏縣云 文獻通考金人  
悉葬欽宗於鞏縣臨制要諱葬乃謂金以十萬騎奉



還陵寢以來中外洵海邊塞咸請增成後卒無事

編目續編乾道七年金葬欽宗於鞏洛之原節錄

施府志長鞏縣志辨鞏縣有欽宗陵無徽宗陵固非

無據但欽宗為金人所葬鞏縣陵今亦無可考傳

聞是否猶不可知穀耕錄載楊晃發紹興諸陵之時

言徽欽葬五國城毀遣使祈請於今凡六七年而後

詩至是被發掘徽欽二陵皆空無一物徽陵有朽木

一段欽陵有木燈檠一枚而已蓋當時亦料其真偽

不可知不欲逆詐亦以慰一時之人心耳而二帝遺

骸浮沉沙漠初未嘗返也又孫賜曰徽欽二帝陵在

鞏縣志

第五册

卷之十五

古蹟

三

高麗地方二陵大如山高麗人皆知為二帝陵也蓋

金時幅員甚廣高麗北境皆其地彼時葬二帝於此

以空棺歸中國耳據是則會稽之徽欽陵與鞏縣之

欽陵皆非其寢矣

按鞏縣志昌陵縣陵定陵昭陵外陵墓多有埋沒乾

隆八年洛陽縣知縣龔崧林署縣事勘得七民言

懸地二項許奉撫中丞顧振飭清選陵地知縣邱

軒昂蒞任後竭力清釐許奉銘糧仍其立陵界後

之官斯土者務留意焉

宋太祖賀后陵 東都事紀云祖孝惠皇后賀氏周顯

德五年前葬安陵之西北 宋史禮志乾德元年卜

二月時議改卜安陵 後並以一后奉明陪葬焉四

月九日葬孝惠於安陵之西北

宋太祖王后陵 宋史禮志 改卜安陵於鞏並葬孝明

王后於安陵之北

宋太宗尹后陵 東都事畧 太宗淑德皇后尹氏早崩

葬於孝明陵之西北

宋太宗符后陵 東都事畧 太宗懿德皇后符氏葬於

安陵之西北

宋真宗潘后陵 宋史 后妃傳真宗章懷潘皇后端拱

二年五月薨葬於永昌陵側陵名保泰

宋真宗郭后陵 宋史 后妃傳真宗章穆郭皇后景德

鞏縣志

第五冊

卷之十六 古蹟

三五

四年崩葬於永熙陵之西北

宋徽宗王后陵 東都事畧 顯恭皇后王氏徽宗即位

冊為皇后生欽宗崩葬永裕陵之次 施府志 按東

都事畧徽宗王后初謚靖和改謚惠恭又改顯恭崇

宗明達皇后劉氏陪葬惠恭皇后園明節皇后劉氏

與明達並園立祠如是則徽宗三后俱附神宗陵矣

以上陵

漢轅生墓 隸釋 漢有兩轅良一為轅生後生隱嵩洛

山中及良貴顯修先人墓

按舊志有原良墓不詳何代人原良於鞏凡取以  
名里矣恐原良聲近而訛即隸釋所謂轅良者也

恒隱嵩洛山者乃懷生良其後人來修  
祖父墓者後人遂以備墓故名其墓與

漢岑彭墓

後漢書本傳彭征蜀所營地名彭亡聞而

惡之欲徙會日暮蜀刺客詐為亡奴降夜刺殺彭彭

首破荆門長驅武陽持軍整齊秋毫無犯邛穀王任

信聞彭威信數千里迎降會彭已薨帝盡以任所貢

獻賜彭妻子謚曰莊侯

施府志按舊志鞏有岑彭

溝彭墓在焉存之以俟博考

漢三田冢

李通志冢在鞏縣西有三冢相傳葬田真

田廣田慶

晉潘苾墓

水經注羅水又西北逕潘岳子父墓前有

鞏縣志

第五册

卷之十六

古蹟

三

碑岳父苾瑯琊太守

晉潘岳墓

水經注岳碑題云給事黃門侍郎潘君之

碑碑云君遇孫秀之難闔門受禍故門生感覆醢以

增憫乃樹碑以記事太常潘尼之詞也

按舊志載鞏有黃霸墓在芝田羅水畔考鞏陽有  
人卒葬考城見輿地記舊志或因潘墓而誤耳

北齊小平津古冢

三齊典略齊王澄以舟師還次小

平津津岸古冢崩有銘合更葬之

銘見金石錄

唐杜甫墓

溫公詩話杜甫終於耒陽藁葬之至元和

其孫始改葬於鞏

施府志偃志據元微之撰墓銘

以工部墓為在首陽山前當陽侯之墓次而鞏縣康

家唐邱山上有工部墓志以為始葬偃而復遷登令考微之作墓志時乃途次荆楚據譜謂當葬當陽侯

墓次其實歸葬於鞏不葬於偃也又彖旁有二家一宗文墓一宗武墓

宋遂國公墓 李通志墓在鞏縣西南舊志在羅口保太宗孫

謚昭裕 金石考皇從姪衛州防禦使遂國公墓銘

嘉祐五年歐陽修撰

宋高密侯墓 李通志墓在鞏縣西南舊志在羅口保太宗曾

孫 金石考高密侯葬河南永安縣修為撰銘 施

府志按金石考據歐陽集載皇從姪筠州團練使安

陸侯康州刺史高密侯右監門衛將軍廣平侯皇從

鞏縣志 第五冊 卷之十六 古蹟

孫監門衛將軍右屯衛大將軍武當侯右監門衛將

軍夫人周氏右監門衛將軍夫人金堂縣君錢氏武

昌縣君郭氏東陽縣君鄭氏俱葬河南永安縣修各

為撰銘今其墓俱不可確指錄之以備查稽

宋吳王顯墓 東都事畧莫宗次子吳王顯薨年四十

七哲宗哭之慟成服苑中贈尚書令兼中書令謚曰

榮顯薨之五日以月朔應視朝於文德殿哲宗以顯

未成服改視垂拱云顯通經史工飛白書善鼓琴神

宗臨御久友愛彌篤哲宗尊禮尤隆既薨葬於永厚

陵之北徽宗即位追封吳王

宋華陰侯仲連墓 司馬光撰墓誌葬永安縣

宋右屯衛大將軍令邦墓 司馬光撰墓誌葬永安縣

宋皇從姪右屯衛大將軍士虬墓 司馬光撰墓誌葬永安縣

永安縣

宋趙普墓 東都事畧太宗謂近臣趙普國初元勛先

帝與朕最為舊故能斷大事盡忠國家真社稷之臣

聞其殂謝凄愴之懷不能自己因出涕左右皆感慟

贈尚書令封真定郡王謚曰忠獻太宗撰神道碑親

書八分書以賜之遣右諫議大夫范杲扞鴻臚寺卿

護喪事葬日設鹵簿鼓吹如式 季通志墓在鞏縣

鞏縣志

第五冊 卷之十六 古蹟

三

西 舊志在西孝義保

宋高懷德墓 東都事畧懷德伯宣祖父燕國長公主

加駙馬都尉卒年五十七贈中書令渤海郡王謚曰

武穆 季通志墓在鞏縣西南懷德歸德軍節度使

舊志墓在蔡家庄

宋寇準墓 東都事畧準貶雷州司戶參軍太宗嘗得

通天犀命工為一帶一以賜準及是準遣人取自洛

中至數日具朝服被帶北面再拜呼左右趣設卧具

就榻而卒年六十三詔許歸葬西京 季通志墓在

鞏縣西準沒於雷州 西京即此題其額曰

旌忠 〔施府志〕蔡公墓在鞏西南寇家灣蓋陪真宗陵也

宋包拯墓 〔東都事畧〕拯拜禮部侍郎樞密副使終於位年六十四贈禮部尚書謚曰孝肅 〔施府志〕鞏西南后泉溝有孝肅墓亦陪葬真宗陵也

按舊志載有狄青曹彬二墓俱無可考

元張思墓 〔李通志〕墓在鞏西南坊郭保思安撫使

〔金石考〕鞏縣有元清河郡侯張公神道碑至元六年歐陽元撰

元曹鐸墓 〔墓碑〕鐸山東道宣慰司副使轉雁門關三

鞏縣志

第五冊 卷之十六 古蹟

三

邊總督至元十四年詔贈譙國公

按墓碑載鐸有勳賊功其卒也勅葬於永安東墓旁石器器今多有存者舊志墓在魯村

元薄元亨墓 〔墓碑〕亨以布衣授並鐵官至順十二年

授隆慶知州 〔舊志〕墓在趙封保

按舊志載有元安撫使邱君墓在羅口保知州薄墓在趙封保無墓碑可考附錄於此

近代冢墓附

一明

薄仲深墓在趙封保 仲深知州

魏敏墓在坊郭保 敏通政使祀鄉賢

賈祥墓在坊郭保 祥御史祀鄉賢

劉思顏墓在黃冶 思顏嘉州知縣

劉登墓在黃冶村 登家議武鄉賢

趙成墓在白雲山城眉嶺 成明及將軍

馬隆墓在神堤保 隆提學副使

趙迎墓在稍柴務北 迎兵備會事

張可久墓在坊郭保 可久永年知縣祀鄉賢

趙景星墓在蔡家庄 景星蘇縣知縣祀鄉賢

張宏基墓在神堤保 宏基河陰教諭祀鄉賢名宦

姚若時墓在魯庄 若時鳳陽通判

霍景霽墓在芝田 景霽鴻臚寺丞

鞏縣志 第五冊 卷之十六 古蹟 四

曹武墓在朱家河東原 武大倉副使

國朝

范芝墓在涉村 芝莊浪道

范盡墓在涉村 盡遵化知縣

張乾二墓在橫嶺 乾二通渭知縣

曹大先墓在白廟東原 大先新鄭訓導贈文林郎

孫祚隆墓在羅莊南 祚隆贈修職郎

謝統運墓在邙原楊家嶺 統運贈文林郎

康樞墓在石窟寺西南 樞贈修職郎

謝杰墓在邙原楊家嶺 杰深澤知縣

張昱斗墓在青龍山北 昱斗贈修職郎

康中掄墓在石窟寺南 中掄鄆陵教諭

孫汝工墓在羅莊南原上 汝工授修職郎

張鞏墓在縣南五里堡 鞏贈文林郎

曹鵬翊墓在白廟東原 鵬翊和平知縣

以上墓

寺觀

漢慈雲寺 寺碑漢明帝時西僧摩騰竺法蘭創建

施府志在青龍山內羣峰羅列石壁如削前人刻環

寺五十二峰於石佛堂後為二老談經峰取形似也

書縣志

第五冊 卷之十六 古蹟

聖

自青龍山口入行數十里方抵寺幽僻窈窕人跡罕到

後魏元領軍寺 伽藍記京東石關有元領軍寺

府志今鞏縣西洛水北有地名石關即伽藍記所

京東石關也

隋栢谷塢寺 名勝志栢谷塢在緄氏東北塢西有寺

八谷數百步有佛像精巧美麗有牛春馬籠水碓之

利 施府志栢谷塢即今鞏縣西南之百峪也其地

正在古緄氏東北名勝志所謂塢西有寺者今百峪

西休水水澗中有白雲寺者是土人在寺傍掘土



一乃隋開皇年號則寺建於隋矣考之經史  
寺碑云隋開皇中有詔相谷建寺寺周少林寺僧所  
蓋相谷地屬少林又於相谷建寺寺周少林寺僧所  
建也裴灌碑又云少林寺西北五十里有相谷聖蓋  
峯合谷深谷邊遠復歷緣雲俯窺龍界高頂拂日傍  
臨鳥道居晉成塢在齊爲郡王世充僭號署曰襄州  
乘其地險以立烽戍太宗軍次廣武僧志操惠師抗  
表以明大順執充奸亡則以歸本朝太宗嘉其義烈  
頻降璽書宣慰賜地四十頃水碾一具卽相谷莊是  
也名志所記牛春水確與裴灌碑畧同但以相谷  
登縣志

第五册

卷之十六 古蹟

聖

塢爲在偃師則因偃師志而誤也偃師志以相塢爲  
在今緜氏東去少林太近不知所謂緜氏東北者古  
緜氏也於今爲滑城鞏縣百谷正在滑城東北去少  
林五十里與裴灌碑亦合

隋石窟寺

方輿紀要寺在鞏縣西浴水北王世充與

李密相持世充渡洛水過倉城爲營與密戰於石窟  
寺東 金石考鞏縣石窟寺卽淨土寺有兩石窟一  
爲唐開元十九年一爲後唐長興三年

宋羅漢寺

金石考宋羅漢寺禪院碑天聖八年張

奉勅撰

施府宋羅漢寺在牛山之南

有水東北注羅即白馬溪之源也羅水上流又有蒲池水注之蒲池水源有菩提寺碑字剝落不詳何代所建

金普安寺 李通志寺在鞏縣治南金貞祐三年建明洪武中置僧會司於內

元玉晨觀 淵鑑類函太洞玉經曰玉晨宮中有玉殿之宮又有元君六淵之宮黃老圖華之宮上清復陽

宮太極上宮主衆仙詠 李通志觀在鞏縣西南元至治元年建 施府志玉晨觀在鞏縣蕪村保

舊志玉晨觀作玉宸

鞏縣志

第五册

卷之十六 古蹟

三

明崇慶觀 李通志觀在鞏縣南洪武十五年建投道會司於內